

Shoʻrchi tumani hokimining
2025-yil 4-iyuldagi
161-8-120-Q/25-son qaroriga
2-ilova

Tuman hokimligida korrupsiyaviy xavf-xatarlarni baholash

USLUBIYOTI

1 bob. Umumiy qoidalar

1. Mazkur uslubiyat tuman hokimligiga (keyingi oʻrinlarda - hokimlik) yuklangan vazifa va majburiyatlarni bajarishda yuzaga kelib chiqadigan korrupsiyaviy xavf-xatarlarni baholash boʻyicha qoidalarni belgilab beradi hamda hokimlikda korrupsiyaviy xavf-xatarlarni baholashga yagona yondashuvni shakllantirishga qaratilgan.

2. Quyidagilar hokimlikdagi korrupsiyaviy xavf-xatarlarni baholashning maqsadi hisoblanadi:

hokimlik faoliyatini kompleks tahlil qilish orqali korrupsiya xavf-xatariga eng koʻp moyil boʻlgan funktsiya va lavozimlarini belgilash;

korrupsiyaviy xavf-xatarlarni minimallashtirish va oldini olish boʻyicha samarali choralarni ishlab chiqish.

3. Hokimlikdagi korrupsiyaviy xavf-xatarlarni baholash quyidagilarni ishlab chiqilishini nazarda tutadi:

korrupsiyaviy xavf-xatarlar xaritasi;

hokimlikda, korrupsiyaga qarshi kurashish choralar (tadbirlar)ni, masʼul shaxslarni, amalga oshirish mexanizmi va muddatlarini oʻz ichiga belgilab olgan korrupsiyaga qarshi kurashish boʻyicha dastur.

4. Hokimlikdagi korrupsiyaviy xavf-xatarlarni baholash har yili yoki quyidagi holatlar yuzaga kelganda amalga oshiriladi:

korrupsiyaviy xavf-xatarlarni birlamchi baholash zaruriyati; Oʻzbekiston Respublikasi qonunchilik talablarining oʻzgarishi;

funktsiya yoki tartib-taomilning amalga oshirilishiga sezilarli ravishda taʼsir koʻrsatuvchi hokimlikning ichki hujjatlari oʻzgarishi;

hokimlik tuzilmasining, funktsiyalarini amalga oshirishda oʻziga xos jihatlarning oʻzgarishi, yangi funktsiyalarning yuklanishi;

hokimlik funktsiyalarining korrupsiyaviy xavf-xatar darajasiga taʼsir koʻrsatishi mumkin boʻlgan boshqa shart-sharoitlarni kelib chiqishi.

5. Ushbu Uslubiyatda quyidagi asosiy tushunchalardan foydalaniladi:

qoldiq xavf-xatar – korrupsiyaviy xavf-xatarni minimallashtirishga qaratilgan choralar qabul qilinganidan so‘ng qoluvchi xavf-xatar (ya‘ni, amaldagi korrupsiyaga qarshi kurashish siyosatini va tartib-taomillarni, xavf-xatarlarni minimallashtirish bo‘yicha chora-tadbirlarni va joriy etilgan nazoratlarni hisobga olgan holda);

korrupsiyaviy xavf-xatar – xodimlar yoki uchinchi shaxslar tomonidan hokimlik nomidan va (yoki) ularning manfaatlarini ko‘zlab korrupsiyaviy xatti-harakatlarni sodir etish xavfi;

korrupsiyaviy xavf-xatarlarni baholash – hokimlik tomonidan amalga oshiriladigan funksiyalarni tahlil qilish, ularning korrupsiyaviy xavf-xatarga moyillik darajasini aniqlash, shuningdek, funksiyalar doirasida amalga oshiriladigan tegishli tartib-taomillar uchun o‘ziga xos va qoldiq korrupsiyaviy xavf-xatarlarni baholash faoliyati;

korrupsiyaviy xavf-xatarlarning birlashgan xaritasi – hokimlikdagi korrupsiyaviy xavf-xatarlarni baholash natijalari bo‘yicha tuziladigan va hokimlik funksiyalari va tartib-taomillarining umumiy ro‘yxati, tegishli funksiyalarni amalga oshirish bilan bog‘liq ehtimoliy korrupsiyaviy xavf-xatar (sxemalar) tasnifi, o‘ziga xos va qoldiq korrupsiyaviy xavf-xatarlar darajasi, ularni minimallashtirish choralari va aniqlangan korrupsiyaviy xavf-xatarni minimallashtirish chora-tadbirlarini amalga oshirish uchun mas‘ul bo‘lgan xodimlar lavozimlarini o‘z ichiga oluvchi birlashgan hujjat;

korrupsiyaviy harakatlar – xodim tomonidan bevosita yoki bilvosita shaxsan yoki uchinchi shaxslar orqali pora beruvchi manfaatlarini yo‘lida harakat yoki harakatsizlik uchun moddiy manfaatdor bo‘lishi, shu jumladan pul, qimmatbaho qog‘oz, boshqa ko‘rinishdagi mulk va mulkiy huquqlar, mulkiy xarakterdagi xizmatlar olish, talab qilish, undirish, taklif qilish yoki berish, pora berish va olish yoki vositachilik qilishda, rasmiyatchiliklarni soddalashtirish uchun to‘lovlar undirish (pora olish) va boshqa noqonuniy maqsadlarda o‘z xizmat vazifalaridan noqonuniy foydalanish;

korrupsiyaga oid huquqbuzarlik – korrupsiya alomatlariga ega bo‘lgan, sodir etilganligi uchun qonunchilikda javobgarlik nazarda tutilgan qilmish;

tartib-taomil – hokimlik funksiyalarini amalga oshirish doirasidagi xodimlar, bo‘linmalar tomonidan bajariladigan yoki bitta natijaga qaratilgan, yoxud ma‘lum bir funksiyaning ajralmas elementi hisoblangan, alomatlar bo‘yicha bir guruhga birlashtirish mumkin bo‘lgan harakatlar yig‘indisi;

funksiya – bir nechta tartib-taomilni o‘z ichiga olishi mumkin bo‘lgan hokimlikning ichki jarayonlari (faoliyat yo‘nalishlari)dan biri;

ekspert fikri – aniq fakt yoki hodisa bo‘yicha xodim yoki bo‘linmaning subyektiv qarashi yoki fikriga asoslangan qarori.

o‘ziga xos xavf-xatar – hokimlik faoliyati va amalga oshirilayotgan funksiyalari spesifikasidan kelib chiqadigan xavf-xatari, shu bilan birga uni kamaytirishga qaratilgan chora-tadbirlarni amalga oshirilishi hisobga olinmagan holda (ya’ni, amaldagi korrupsiyaga qarshi kurashish siyosati va tartib-taomillari, xavf-xatarlarni minimallashtirishga qaratilgan chora-tadbirlar va joriy etilgan nazoratlar hisobga olinmagan holda);

tizimidagi yoki tarkibiy bo‘linmaning korrupsiyaviy xavf-xatarlari xaritasi – hokimlikning tizimidagi yoki tarkibiy bo‘linmasidagi korrupsiyaviy xavf-xatarlarni baholash natijalari bo‘yicha tuziladigan hamda organ yoki muassasa funksiyalari va tartib-taomillarining umumiy ro‘yxati, tegishli funksiyalarni amalga oshirish bilan bog‘liq ehtimoliy korrupsiyaviy xavf-xatar (sxemalar) tasnifi, o‘ziga xos va qoldiq korrupsiyaviy xavf-xatarlar darajasi, ularni minimallashtirish choralari va aniqlangan korrupsiyaviy xatarni minimallashtirish chora-tadbirlarini amalga oshirish uchun mas’ul bo‘lgan xodimlar lavozimlarini o‘z ichiga oluvchi hujjat.

6. Hokimlikdagi korrupsiyaviy xavf-xatarlarni baholash uchun tuman hokimligida Korrupsiyaga qarshi ichki nazorat qilish sho‘basi (keyingi o‘rinlarda – ichki nazorat sho‘basi) tomonidan bir yilda bir marta yoki zarurat to‘g‘ilsa amalga oshiriladi.

Korrupsiyaviy xavf-xatarlarni baholashda ichki nazorat sho‘basi quyidagi vazifalarni amalga oshiradi:

korrupsiyaga qarshi kurashish bo‘yicha mas’ullarni jalb qilgan holda hokimlikda xavf-xatarlarni baholash jarayonini tashkillashtiradi;

hokimlikda korrupsiyaviy xavf-xatarlarni baholash jarayoni ustidan umumiy nazoratni amalga oshiradi;

hokimlikdagi korrupsiyaga qarshi kurashish bo‘yicha mas’ullar, shuningdek, hokimlik markaziy apparati tarkibiy bo‘linmalariga mazkur uslubiyatda ko‘zda tutilgan tartibga rioya qilish bo‘yicha maslahatlar beradi;

markaziy apparat bo‘linmalarining korrupsiyaviy xavf-xatarlar xaritasini tuzadi va hokimlikning korrupsiyaga qarshi kurashish yo‘nalishiga mas’ul rahbar bilan kelishadi;

markaziy apparat tarkibiy bo‘linmalarining korrupsiyaviy xavf-xatarlari xaritasini hokimlikning korrupsiyaviy xavf-xatarlarning birlashgan xaritasiga umumlashtiradi;

tuman hokimiga xavf-xatarlarni baholash natijalari va korrupsiyaviy xavf-xatarlarning birlashgan xaritasini taqdim etadi;

tasdiqlangan xavf-xatarlar xaritasi asosida tizimidagi va tarkibiy bo‘linmalar tomonidan ishlab chiqilgan korrupsiyaga qarshi kurashish bo‘yicha dasturlar loyihalarini ko‘rib chiqadi va ularni qabul qilish maqsadga muvofiqligi to‘g‘risida xulosa beradi;

markaziy apparat bo'linmalarining korrupsiyaga qarshi kurashish bo'yicha dasturini ishlab chiqadi va hokimlikning korrupsiyaga qarshi kurashish yo'nalishiga mas'ul rahbar bilan kelishadi;

markaziy apparat va tarkibiy bo'linmalarining korrupsiyaga qarshi kurashish bo'yicha dasturi asosida hokimlikning korrupsiyaga qarshi kurashish dasturini ishlab chiqadi;

hokimlikda korrupsiyaviy xavf-xatarlarni minimallashtirish bo'yicha chora-tadbirlarini muvofiqlashtiradi va ularni nazorat qiladi;

ushbu uslubiyatda ko'zda tutilgan boshqa vazifalarni amalga oshiradi.

Ichki nazorat sho'basi zarur hollarda markaziy apparat tarkibiy bo'linma rahbarlari va korrupsiyaga qarshi kurashish bo'yicha mas'ullardan qo'shimcha axborot va hujjatlarni talab qilib oladi.

8.Korrupsiyaga qarshi kurashish bo'yicha mas'ullar quyidagi vazifalarni amalga oshiradi:

tegishli tarkibiy bo'linmalarda korrupsiyaviy xavf-xatarlar baholanishini tashkil qiladi va o'tkazadi;

tegishli tarkibiy bo'linmalarda korrupsiyaviy xavf-xatarlarni baholash jarayoni ustidan nazoratni amalga oshiradi;

tegishli tarkibiy bo'linmalarining korrupsiyaviy xavf-xatarlar xaritasini tuzadi va ushbu uslubiyatda ko'zda tutilgan tartibda kelishilishini ta'minlaydi;

tegishli tarkibiy bo'linmalarining korrupsiyaga qarshi kurashish bo'yicha dasturlarini ishlab chiqadi va ushbu uslubiyatda ko'zda tutilgan tartibda kelishilishini ta'minlaydi;

tegishli tarkibiy bo'linmalarda korrupsiyaviy xavf-xatarlarni minimallashtirish bo'yicha chora-tadbirlarni amalga oshirishni muvofiqlashtiradi va nazorat qiladi;

ushbu uslubiyatida ko'zda tutilgan boshqa vazifalarni amalga oshiradi.

Korrupsiyaga qarshi kurashish bo'yicha mas'ullar zarur hollarda tegishli tizimidagi va tarkibiy bo'linma xodimlaridan qo'shimcha axborot va hujjatlarni talab qilib oladi.

2-bob. Korrupsiyaviy xavf-xatarlarni dastlabki baholash

9.Hokimlikda korrupsiyaviy xavf-xatarlarni dastlabki baholash jarayoni tegishli buyruqlar va ularda ko'rsatilgan muddatlar asosida amalga oshiriladi.

Korrupsiyaviy xavf-xatarlarni dastlabki baholashning umumiy muddati 3 oydan oshmasligi lozim.

10.Korrupsiyaviy xavf-xatarlarni dastlabki baholash unksiyalarning korrupsiyaviy xavf-xatarga moyillik darajasini dastlabki baholash va tegishli funksiyalar doirasida hokimlik xodimlari tomonidan amalga oshiriladigan ayrim tartib-taomillarning korrupsiyaviy xavf-xatar darajasini baholashni o'z ichiga oladi.

11.Korrupsiyaviy xavf-xatarlarni dastlabki baholash, pastdan tegishli markaziy, tizimidagi va tarkibiy bo'linmalardan) tepaga (hokimlik darajasigacha), mazkur bobning 12-21-bandlarida ko'rsatilgan tartib va ketma-ketlikda amalga oshiriladi.

12.Ichki nazorat sho'basini ushbu uslubiyotiga 1-ildan keltirilgan korrupsiyaviy xavf-xatarlar xaritasini ishlab chiqish bo'yicha hokimlikning markaziy apparati va tarkibiy bo'linmalariga ko'rsatma yuborilishini ta'minlaydi.

Ko'rsatmada tasdiqlangan korrupsiyaviy xavf-xatarlar xaritasini ichki nazorat sho'basiga taqdim etish muddatlari ko'rsatilib, bu muddat yigirma besh ish kunidan kam bo'lmasligi kerak.

13.Hokimlikning markaziy apparat tarkibiy bo'linmalarining korrupsiyaviy xavf-xatarlar xaritasi tegishli bo'linmalar tomonidan ishlab chiqilib, ichki nazorat bo'limiga markaziy apparat uchun yagona korrupsiyaviy xavf-xatarlar xaritasini tuzish maqsadida kiritiladi. Markaziy apparat tarkibiy bo'linmalarining korrupsiyaviy xavf-xatarlar xaritasi ichki nazorat sho'basini tomonidan hokimlikning korrupsiyaga qarshi kurashish yo'nalishiga mas'ul rahbari bilan kelishiladi.

14.Hokimlik tizimi va tarkibiy bo'linmalarining korrupsiyaviy xavf-xatarlar xaritasi tegishli bo'linmaning korrupsiyaga qarshi kurashish bo'yicha mas'ullari tomonidan ishlab chiqiladi va tegishli tarkibiy bo'linma rahbarlari bilan kelishiladi. Tegishli rahbar bilan kelishilgan korrupsiyaviy xavf-xatarlar xaritasi ichki nazorat bo'limiga ko'rib chiqish uchun kiritiladi.

15.Hokimlik markaziy apparati va tarkibiy bo'linmalari tomonidan ishlab chiqilgan korrupsiyaviy xavf-xatarlar xaritasiga oid savollar yuzaga kelgan taqdirda, ichki nazorat sho'basini xodimlari tegishli tarkibiy bo'linmaga izoh berish yoki xaritaga tuzatish kiritish uchun so'rov yuboradi. Bunda, so'rovga javob so'rov olingan kundan boshlab besh ish kunidan oshmagan muddatda yuborilishi lozim.

16.Ichki nazorat sho'basini xodimlari o'z ekspertlik fikriga tayangan holda korrupsiyaviy xavf-xatarlar xaritasiga o'zgartirishlar kiritishlari mumkin.

17.Markaziy apparat, tarkibiy bo'linmalarining korrupsiyaviy xavf-xatarlar xaritalari asosida Ichki nazorat sho'basini hokimlikning korrupsiyaviy xavf-xatarlarning birlashgan xaritasini ishlab chiqadi.

18.Korrupsiyaviy xavf-xatarlarning birlashgan xaritasini tuzish muddati, markaziy apparat, tizimidagi va tarkibiy bo'linmaning korrupsiyaviy xavf-xatarlari xaritasi tasdiqlangan sanadan boshlab, o'n ish kunidan oshmasligi kerak.

19.Korrupsiyaviy xavf-xatarlarning birlashgan xaritasi ichki nazorat sho‘basi taqdimnomasiga asosan tuman hokimi tomonidan tasdiqlanadi.

20.Qoldik korrupsiyaviy xavf-xatarning yuqori darajasi bilan ifodalanadigan tartib-taomillar uchun ichki nazorat sho‘basi va korrupsiyaga qarshi kurashish uchun mas’ullar ushbu uslubiyatining 2-ilovasiga muvofiq korrupsiyaviy xavf-xatarlarga eng ko‘p moyil bo‘lgan lavozimlar ro‘yxatini ishlab chiqadi.

21.Hokimlikning korrupsiyaviy xavf-xatarlarga eng ko‘p moyil bo‘lgan lavozimlar ro‘yxati ichki nazorat sho‘basi va korrupsiyaga qarshi kurashish uchun mas’ullar taqdimnomasiga asosan ichki nazorat sho‘basi tomonidan tasdiqlanadi.

22.Korrupsiyaga qarshi kurashish bo‘yicha mas’ullar tomonidan tasdiqlangan korrupsiyaviy xavf-xatarlarning xaritasida belgilangan chora-tadbirlarga asosan tizimidagi va tarkibiy bo‘linmalarning korrupsiyaga qarshi kurashish bo‘yicha dasturi ushbu uslubiyatning 3-ilovasiga muvofiq korrupsiyaviy xavf-xatarlarning xaritasi tasdiqlangan sanadan o‘n ish kuni ichida ishlab chiqilib tasdiqlanadi.

Tarkibiy bo‘linmalarning Korrupsiyaga qarshi kurashish bo‘yicha dasturi Ichki nazorat sho‘basi bilan kelishilganidan so‘ng tegishli tarkibiy bo‘linma rahbarlari tomonidan tasdiqlanadi.

23.Hokimlikning korrupsiyaga qarshi kurashish dasturi markaziy apparat bo‘linmalarining korrupsiyaviy xavf-xatarlarni minimallashtirish bo‘yicha chora-tadbirlarini inobatga olgan holda ichki nazorat sho‘basi tomonidan ishlab chiqiladi hamda tuman hokimi tomonidan tasdiqlanadi.

3-bob. Korrupsiyaviy xavf-xatarlarning keyingi (har yillik) baholanishi

24.Hokimlikda korrupsiyaviy xavf-xatarlarning keyingi baholanishi doimiy ravishda, bir yilda kamida bir marta, qoida tariqasida yil boshida o‘tkaziladi.

25.Keyingi (har yillik) korrupsiyaviy xavf-xatarlarni baholash muddati 2 oydan oshmasligi lozim.

26.Yillik korrupsiyaviy xavf-xatarlarni baholash ushbu uslubiyatning 2-bobida ko‘rsatilgan korrupsiyaviy xavf-xatarlarni dastlabki baholash tartibida amalga oshiriladi.

27.Har yillik korrupsiyaviy xavf-xatarlarni baholash boshlanishidan oldin ichki nazorat sho‘basi hokimlikning markaziy apparati va tarkibiy bo‘linmalari rahbarlariga oldingi baholash davriga nisbatan qonunchilikda yoki ichki idoraviy hujjatlarga kiritilgan o‘zgarishlarni aniqlash maqsadida ushbu uslubiyatga 4-ilovaga mos shaklda so‘rovnoma yuboradi.

28.Ichki nazorat sho‘basi markaziy apparat, tarkibiy bo‘linmalar rahbarlari tomonidan to‘ldirilgan so‘rovnomalarni yig‘adi, tahlil qiladi.

4-bob. Hokimlikda amalga oshiriladigan funksiyalar va tartib-taomillarning korrupsiyaviy xavf-xatar darajasini baholash tartibi

28. Korrupsiyaviy xavf-xatarlarni baholash tashqi va ichki axborot manbalaridagi ma'lumotlar tahlili asosida amalga oshiriladi, jumladan:

hokimlikning funksiyalarini tartibga soluvchi normativ-huquqiy hujjatlar va hokimlikning ichki hujjatlari (misol uchun, tarkibiy bo'linmalar, xodimlarning lavozim yo'riqnomalari to'g'risidagi nizomlar va h.k.);

ichki tekshiruv materiallari, shu bilan birga xizmat tekshiruvi materiallari; korrupsiyaga qarshi kurashish bo'yicha monitoring natijalari;

odob-axloq komissiyasi yig'ilishlari natijalari;

manfaatdor tomonlar, davlat xizmati oluvchilar, ekspertlar va boshqa manfaatdor shaxslar orasida o'tkazilgan so'rov, jumladan ijtimoiy tadqiqotlar natijalari bo'yicha hokimlikning xodimlari tomonidan sodir etilgan korrupsiyaviy harakatlarga oid murojaatlar;

hokimlik faoliyatidagi huquqbuzarliklarga oid statistik ma'lumotlar;

korrupsiyaviy harakatlar to'g'risida xabar berishga mo'ljallangan aloqa kanallariga kelib tushgan jismoniy va yuridik shaxslarning murojaatlari;

hokimlik xodimlari tomonidan sodir etilgan korrupsiyaviy harakatlar yoki odob-axloq qoidalariga rioya qilmaslik to'g'risida OAVdagi ma'lumotlar;

ijtimoiy tarmoqlarda qoldirilgan izohlar;

huquqni muhofaza qiluvchi organlari tomonidan taqdim etilgan materiallar, jumladan jinoyat ishlariga doir axborotlar va boshqalar.

29.Korrupsiyaviy xavf-xatarlarni baholash jarayonida hokimlikning har bir funksiyasi va tartib-taomili bo'yicha korrupsiyaviy harakatlarni sodir etilishi imkoniyatlar borligi bo'yicha tahlil qilish lozim.

30.Har bir funksiya quyidagi shkala bo'yicha baholanadi: korrupsiyaviy xavf-xatarlarga eng ko'p moyil bo'lgan funksiya; korrupsiyaviy xavf-xatarlarga eng kam moyil bo'lgan funksiya.

31.O'rganilayotgan funksiya doirasida amalga oshirilayotgan tartib-taomillarning o'ziga xos xavf-xatarini baholash quyidagi mezonlarga ko'ra amalga oshiriladi:

o'ziga xos yuqori xavf-xatar korrupsiyaviy xavf-xatarlarga eng ko'p moyil bo'lgan funksiyalar doirasida amalga oshiriladigan tartib-taomillarga beriladi;

o'ziga xos o'rta xavf-xatar korrupsiyaviy xavf-xatarlarga eng kam moyil bo'lgan funksiyalar doirasida amalga oshiriladigan tartib-taomillarga beriladi;

o'ziga xos past xavf-xatar xavf-xatarlar ko'zda tutilmagan va Ichki nazorat sho'basining xulosasi asosida istisno tariqasida qo'llanilishi mumkin.

32.Qoldiq korrupsiyaviy xavf-xatar darajasini baholash xavf-xatarli hodisani amalga oshirishining ehtimoli (mazkur uslubiyatning 5-ilovasi 5.1-jadvaldagi mezonlarga qarang) va korrupsiyaviy xavf-xatarning oqibat darajasi (mazkur uslubiyatining 5-ilovasi 5.2-jadvalidagi mezonlarga qarang)ni hisobga olgan holda xavf-xatarlar ahamiyatlilik shaklidan foydalanib amalga oshiriladi (mazkur uslubiyati 5-ilovasidagi 5.1-rasm).

5 bob. Korrupsiyaviy xavf-xatarning qoldiq darajasini minimallashtirish choralari

33.Korrupsiyaviy xavf-xatarlarni minimallashtirish chora-tadbirlarini belgilashda:

har bir chora hokimlik xodimlari uning maqsadlari, pirovard natijasi va ma'lum bir korrupsiyaviy xavf-xatarni minimallashtirish bilan aloqasini tushinishi uchun aniq va ravshan ifoda etilishi;

har bir chora uchun uni amalga oshirish muddati yoki davriyligi belgilanishi, uni amalga oshirish uchun mas'ul shaxslar, amalga oshirilishini monitoring qilish va samaradorligini baholash mexanizmlari aniqlab olinishi zarur.

34.Hokimlikning korrupsiyaviy xavf-xatarlar xaritasiga kiritilgan, aniqlangan korrupsiyaviy xavf-xatarlarni minimallashtirishchora-tadbirlari hokimlikning korrupsiyaga qarshi kurashish dasturlariga ham kiritiladi (mazkur uslubiyatining 6-ilovasi).

35.Hokimlikdagi korrupsiyaviy xavf-xatarlarni minimallashtirish chora- tadbirlarini amalga oshirish ustidan nazorat ichki nazorat bo'limi tomonidan amalga oshiriladi.

6 bob. Yakuniy qoidalar

Zarurat bo'lganda, hokimlikning korrupsiyaviy xavf-xatarlar xaritasi va korrupsiyaga qarshi kurashish dasturiga o'zgartirish va qo'shimchalar kiritish bilan bog'liq masalalar bo'yicha ichki nazorat sho'basi tomonidan tuman hokimiga takliflar kiritiladi.

Tuman hokimligida

Korrupsiyaviy xavf-xatarlar xaritasi

N	Funksiya nomi	Funksiyaning korrupsiyaviy xavf-xatarga moyillik darajasi (eng ko'p moyil / eng kam moyil)	Funksiya doirasida bajarilayotgan tartib-taomil nomi	Tartib-taomilni bajarish uchun mas'ul bo'lgan shaxslar (lavozimi, bo'linmasi)	Ehtimoliy korrupsiyaviy sxema (xavf-xatar)ning qisqacha ta'rifi	O'ziga xos korrupsiyaviy xavf-xatar (yuqori / o'rta / past)	Mavjud nazorat tartib-taomillari / korrupsiyaviy xavf-xatarlarni minimallashtirish choralari	Nazorat tartib-taomillari / korrupsiyaviy xavf-xatarlarni minimallashtirish chora-tadbirlarini tartibga soluvchi me'yoriy-huquqiy ya ichki hujjatlar	Nazorat tartib-taomillari / korrupsiyaviy xavf-xatarlarni minimallashtirish chora-tadbirlarini amalga oshirish uchun mas'ul shaxslar (lavozimi, bo'linmasi)	Qoldiq xavf-xatar darajasi (yuqori / o'rta / past)	Korrupsiyaviy xavf-xatarlarni minimallashtirish bo'yicha chora-tadbirlarni amalga oshirish muddatlari	Izohlar (zarur hollarda)
1												
2												

1. Bo'linma
- 1.1. Organ yoki muassasa nomi

1.2. Departament/Boshqarma

1.3. Bo'lim
- 2.To'ldirish uchun mas'ul
- 2.1. F.I.Sh.

2.2. Lavozimi

2.3. Bog'lanish uchun (elektron pochta, telefon)

Tumanhokimligida korrupsiyaviy xavf-
xatarlarni baholash uslubiyotiga

2- ilova

Korrupsiya xavf-xatariga eng ko‘p moyil bo‘lgan lavozimlar RO‘YXATI

№	Hokimlik nomi	Hokimlik tuzilmasi nomi	Lavozim (funktsiyalarini bajarish uchun mas‘ul bo‘lgan shaxslarni ko‘rsatgan holda)
1.1.			
...			
2.1.			
...			

Tumanhokimligida korrupsiyaviy
xavf-xatarlarni baholash uslubiyotiga
3-ilova

Tuman hokimligida korrupsiyaga qarshi kurashish dasturi

№	Tashkilot nomi	Korrupsiyaviy xavf-xatarni minimallashtirish bo'yicha choralar/tadbirlar/tartib-taomillar	Amalga oshirish mexanizmi	Bajarish muddatlari	Mas'ul ijrochilar (F.I.Sh., lavozimi)
1.1.					
1.2.					
...					
2.1.					
2.2.					
...					

**Korrupsiyaviy xavf-xatarlarni keyingi bosqichda baholash uchun
hokimlik tizimi bo'linmalarini tasniflash bo'yicha so'rovnoma**

ShAKLI

Quyidagi savollarga javob bersangiz (kerakligini tagiga chizing):

1. Korrupsiyaviy xavf-xatar so'nggi marta baholanganidan so'ng qonunchilikda qandaydir o'zgarishlar sodir bo'lganmi? Agar javob ijobiy bo'lsa, quyida keltirilgan jadvalga tegishli ma'lumotlarni kiriting.
A) Ha B) Yo'q
2. Tarkibiy bo'linmangiz tomonidan bajariladigan tuzilma yoki funktsiya faoliyatini tartibga soluvchi ichki hujjatlarda korrupsiyaviy xavf-xatar so'nggi marta baholanganidan so'ng qandaydir o'zgarishlar sodir bo'lganmi? Agar javob ijobiy bo'lsa, quyida keltirilgan shaklga tegishli ma'lumotlarni kiriting.
A) Ha B) Yo'q
3. Korrupsiyaviy xavf-xatar so'nggi marta baholanganidan so'ng davlat boshqaruv organlari faoliyati (tuzilmasi)da tarkibiy bo'linmangiz tomonidan bajarilayotgan funktsiyaga (ta'sir qilgan, ta'sir qilishi mumkin bo'lgan) qandaydir o'zgarishlar yuz berdimi? Agar javobingiz ijobiy bo'lsa, quyida keltirilgan shaklga tegishli ma'lumotlarni kiriting.
A) Ha B) Yo'q
4. Korrupsiyaviy xavf-xatarlarni avvalgi baholashda ko'zda tutilgan korrupsiyaviy xavf-xatarlarni minimallashtirish chora-tadbirlari amalga oshirildimi? Nima va qachon amalga oshirilganini ta'riflab bering. Agar amalga oshirilmagan yoki qisman amalga oshirilgan bo'lsa, sababini yozing.
A) Ha B) Yo'q D) Qisman amalga oshirilgan
5. Davlat organi (idorasi) tizimi bo'linmalarida funktsiyalarni bajarish va tartib-taomillarni amalga oshirishga ta'sir ko'rsatishi mumkin bo'lgan boshqa shart-sharoitlar mavjudmi? Agar javobingiz ijobiy bo'lsa, quyida keltirilgan jadvalga tegishli ma'lumotlarni kiriting.
A) Ha B) Yo'q

№	Tashkilot nomi	Tashkilot tuzilmasi nomi	Funksiyalar o'zgargani sabablari	O'zgargan funksiya ta'rifi	Funksiya doirasida bajarilayotgan yangi/o'zgargan tartib-taomillar	Tartib-taomillarni bajarish uchun mas'ul shaxslar (F.I.Sh., lavozimi)
1.1.1.						
1.1.2.						
...						

Davlat organi

muassasasi _____

Bo'linma _____

To'ldirayotgan shaxsning lavozimi _____

_____ To'ldirayotgan shaxsning F.I.Sh. _____

_____ Imzo _____

_____ To'ldirish sanasi _____


5.1-jadval – Korrupsiyaviy xavf-xatar ehtimoli darajasini aniqlash mezonlari

Ehtimoli	Ta’rifi
Yuqori	O’ziga xos xavf-xatar darajasi yuqori Nazorat tadbirlarining mavjud emasligi / sezilarli darajada kam-ko’stini to’ldirish kerak bo’lgan nazorat tadbirlarining mavjudligi Tartib-taomilning ichki hujjatlar yordamida aniq tartibga solinishi mavjud emasligi Tartib-taomilni avtomatlashtirish mavjud emasligi/darajasi pastligi
O’rtacha	O’ziga xos xavf-xatar darajasi o’rta Tartib-taomil tartibga solingan, kam-ko’stini oz miqdorda to’ldirish kerak bo’lgan nazorat tadbirlari joriy etilgan Tartib-taomil tartibga solingan, qisman avtomatlashtirilgan, biroq yetarli darajada shaffof emas O’ziga xos xavf-xatar darajasi yuqori xavf-xatarni kamaytirish uchun yetarli bo’lgan nazorat tadbirlari, jumladan, tashkilotning ichki hujjatlari bilan tartibga solingan, kamida uchta shaxs tomonidan kross-funksional nazorat (davlat organi va tashkiloti hududiy va tarkibiy davlat bo’linmalarining nazorat qilinishi)ni ko’zda tutuvchi nazorat tadbirlarining mavjudligi Tartib-taomil qisman yoki to’liq avtomatlashtirilgan
Past	O’ziga xos xavf-xatar darajasi past O’ziga xos xavf-xatar darajasi o’rta hamda xavf-xatarni kamaytirish uchun yetarli bo’lgan nazorat tadbirlari, jumladan, ichki hujjatlar bilan tartibga solingan, kamida uchta shaxs tomonidan kross-funksional nazoratni ko’zda tutuvchi nazorat tadbirlarining mavjudligi Tartib-taomil to’liq avtomatlashtirilgan

5.2-jadval – Korrupsiyaviy xavf-xatarining oqibat (ta’sirchanlik) darajasini aniqlash mezonlari

Oqibat darajasi	Obro’ga putur yetkazish	Javobgarlik
Yuqori	Xavf-xatar tashkilotning mamlakat va xalqaro miqyosdagi obro’siga sezilarli ravishda putur yetkazadi	Tashkilot xodimlariga nisbatan jinoiy ish qo’zg’atish uchun tegishli organlarga hujjat yuborish tashabbusi bilan chiqish
O’rta	OAVda salbiy hodisaning yoritilishi; Aholi va hamkorlardan salbiy fikrlar va shikoyatlar olish; xavf-xatar tashkilot obro’siga mahalliy darajada putur yetkazadi.	Tashkilot xodimlariga nisbatan ma’muriy surishtiruv o’tkazish uchun hujjatlarni Korrupsiyaga qarshi kurashish agentligiga yuborish tashabbusi bilan chiqish
Past	Aholi, mahalliy OAVdan vaziyatga izoh berishni so’rab, alohida so’rovlar tushishi mumkin	I. Davlat organi/idorasi tizimi xodimlariga nisbatan xizmat tekshiruvi o’tkazish tashabbusi bilan chiqish mumkin

5.1-rasm. Qoldiq xavf-xatar darajasini aniqlash shakli



Shoʻrchi tumani hokimining
2025-yil 4-iyuldagi
161-8-120-Q/25-son qaroriga
3-ilova